




馮氏錦囊秘錄雜症大小台參卷十二

男 乾吉佐民

海鹽馮兆張楚瞻市纂輯 問人孫顯達附良全較

男 乾德進修

論咳嗽 見科

咳謂無痰而有聲。肺氣傷而音不清。嗽謂無聲而有痰。脾
溼動而痰氣侵。咳嗽謂有痰有聲。因傷肺氣。繼動脾溼也。
然痰之標在於脾。痰之本在於腎。故有宜燥劑以消之者。
有宜潤劑以化之者。在小兒由風寒乳食者居多。宜從燥。
以消之。辛以豁之。半夏陳皮全胡之類是也。經雖曰五臟

六腑皆能令人咳然必臟腑各受其邪而與之終不能離
乎肺也因痰而嗽者痰爲重主治在脾因咳而動痰者咳
爲重主治在肺以時而論之咳於春春氣上升也咳於夏
火氣炎上也咳於秋溼熱傷肺也咳於冬風寒外感也以
一晝夜而計之清晨嗽者屬痰火上晝嗽者屬胃火午後
嗽者屬陰虛黃昏嗽者火氣浮於肺經五更嗽者食積滯
於三焦肺實而嗽者必頓嗽抱首面赤反食肺虛而嗽者
必氣逆虛鳴顏白殭瀉肺熱而嗽者必痰程而稠身熱喘
滿鼻乾面紅手握脅目鼻面肺寒而嗽者必嗽多痰薄而
白而喘毛粟腸鳴惡風多涕然嗽之爲病雖主乎肺實從

於心。心氣過盛。則火爍金。治當抑心。滋肺。若脾氣虛冷。則不能相生。是以肺氣不足。風邪外襲。痰溼内生。治宜補其脾。肺若脾實中痞。則熱氣上蒸。治宜瀉脾清肺。故心乘肺爲賊邪。肝乘爲微邪。腎乘爲實邪。脾乘爲虛邪。肺自病者爲正邪。凡一咳卽出痰者。脾虛不勝溼而痰溼也。有連咳十數聲不出痰者。肺燥勝痰溼也。滑者宜南星。半夏之屬。燥其脾。若利氣之劑所當忌也。澁者宜枳殼。蘇子。杏仁之屬。利其肺。若燥脾之劑所當忌也。大抵脾氣不足。則不能生。肺家之氣。風邪易感。故患肺寒者。皆脾虛得之。患肺熱者。多脾實得之。若至唇縮胸陷。喉有鋸聲。鼻乾焦黑。咳嗽。

氣粗心腹脹痛者死。若嗽久音啞直視手牽鴉聲腹脹喘急多驚者必變風候而死。若齁齕而聲嘶如鋸唇而皆青項下四陷涎如膠漆口生腥臭喘甚唇縮者死。至於小兒百日內嗽名爲乳嗽肺葉尤嬌最易傷損更須急治。久則血脈貫臉兩眶紫黑或眼白紅赤如血謂之血眼當用生地黑豈共研成膏掩於眼上則眶黑自消血隨淚出而愈。

論喘

見采

喘急者氣爲火所鬱而積痰在肺胃也。膏粱之人奉養太過及過愛小兒皆能積熱於上而爲喘咳宜以甘寒之劑治之。脈經云肺盛有餘則咳嗽上氣喘渴心煩胸滿短氣。

皆衝脈之火行於胸中而作係在下焦非屬土也蓋雜病
不足之邪起於有餘病機之邪白是標本病傳凡餘食勞
役喜怒不節及水穀之寒熱感則害人六腑皆由中氣不
足故膈脹腹滿咳喘嘔食宜皆以大甘辛熱之劑治之又
曰寸口陰脈實者肺實也肺必脹上氣喘逆咽中塞如嘔
狀自汗皆肺實之證右寸陰脈虛者肺虛也必咽乾無津
少氣不足以息然實者肺中邪氣實也虛者肺中正氣虛
也故華佗云盛則爲喘減則爲枯活人云發喘者氣有餘
也非言肺氣盛及有餘乃言肺中之火盛及火有餘也故
瀉以苦寒之劑非瀉肺也瀉肺中之火實補肺也金匱又

曰實喘者氣實肺盛呼吸不利肺竅壅塞若寸沉實宜瀉
肺虛喘者氣短腎虛先覺呼吸少氣兩脇脹滿左尺大而
虛此腎虛症治宜補腎勿謂小兒無慾腎實如稟先天不
足者尤爲真虛耳故實則清理其上虛則溫補其下況上
病療下治法之要領也然大抵初喘多屬外因宜從標治
或因風痰壅塞者必兼壯熱咳嗽鼻塞頭疼因痘疹未出
者必兼驚厥煩燥身熱足冷因停滯脹滿者必兼嘔吐惡
食噯臭肚疼因驚癇痰熱者必兼抽掣搐搦而青啼叫因
痰哮大喘者必發秋冬暴冷張口擡肩如非前症繼諸病
後非子令母虛卽脾肺兩困多從本治况有短氣少氣似

喘非喘更難與喘同例也。諸喘久而不愈者，不妨先用切藥一二服，卽止。旣止之後，因痰治痰，因火治火可也。然喘脹二症，相因並皆小便不利，故喘則必脹，脹則必喘。先喘而後脹者，主於肺；先脹而後喘者，主於脾。經曰：肺朝百脈，通調水道，下輸膀胱。又曰：膀胱者，州都之官，津液藏焉，氣化則能出矣。是小便之行，由於肺氣之降下，而輸化若肺受邪而喘，則失降下之令，以致水溢皮膚而生腫滿。此是喘爲本，腫爲標。治宜清金降氣爲主，而行水次之。更脾主肌肉，惡淫尅水。若脾虛不能制水，則水淫妄行，外侵肌肉，內壅溢上，因肺氣不得下降而喘乃生。此是腫爲本，喘爲

標治當實脾行水爲主而清金次之。肺症而用燥脾之藥則金得燥而喘愈加。脾病而用清金之藥則脾得寒而脹愈甚矣。如無故喘聲陡發如鋸身不熱而目窠者鼻孔脇肋心胸俱爲開張者腹硬青筋口吐涎沫面無神色而唇白者諸病小痊之後忽交子午時喘鳴者喘促目急黑睛出汗印堂青色者皆爲不治。其脈滑而手足溫者生脈濇四肢寒者死。經曰喘鳴肩息者脈實大也。緩則生急則死。蓋喘鳴肩息者陽症也。脈當實大。更實大中而緩則邪氣漸退故可得生。若實大中而急則邪氣愈增病當死矣。

論哮喘

兒科

喉吼喘者喉中如拽鋸有水雞之聲者是也如氣促而違
屬不能以息者卽謂之喘夫哮以聲響名喘以氣息言耳
喉如鼾聲者爲虛喉如水雞聲者爲實丹溪曰治哮必用
薄滋味專主於痰宜大用吐藥吐藥中宜多用醋不可純
用涼藥兼當帶表散蓋此是寒包熱也亦有虛而不可吐
者慎之總是痰火內鬱風寒外束而然亦有過啖醢酸邪
久勝理而致者治法須審其新久虛實可也

一朱姓兒三歲哮喘大作聲聞隣里二三日不止身熱汗
出一醫投以滾痰丸利之下瀉二三次其勢更甚六脈洪
數胸脇扇動扶肚擡肩旦夕無寧刻粒米不能食頭汗如

雨數日不寐。勢甚危迫。乃延余治。余曰。誤矣。夫聲出於氣。喉連喘數日。下元已傷矣。今以峻利藥從食。嚥下之。伐及無辜。下元更虛極矣。所以有扶肚擡肩惡候來也。令以人參。麥冬各一錢。五味子七粒。肉桂三分。水煎溫服。一日二劑。服後而哮聲頓減。至夜復作。次日往視。余曰。此氣少復而陰未有以配之也。乃以入味之。加牛膝。麥冬。五味子者。內熟地。每劑五六錢。桂附每劑各四分。水煎冷服。午前午後各一劑。服後而竟熟睡。醒來飲食大進。其聲悉止。次日往視。喘熱俱已。但勞力運動。喘聲微有。此未還元之故也。以生脈飲調理三四日。精神全復。

欬花五味子湯 治小兒久嗽

欬冬花 五味子 麻黃 馬兜鈴 杏仁 去皮各二錢

甘草 炙一錢 水煎食遠服

人參寧肺湯 治小兒肺胃俱寒、涎喘氣急、不得安眠、

人參 五味子 茯苓 白朮 陳皮 去白甘草各三錢

薑棗水煎食遠服

杏蘇飲 治小兒喘急咳嗽不止

杏仁 去皮尖炒 紫蘇子 炒 陳皮 去白 赤茯苓 桑白皮

大腹皮 半夏麴 甘草 炙各一錢 薑水煎食遠服

貝母膏 治風熱天哮

黑玄參

焙

山枝

炒

天花粉

焙

川貝母

焙

枳殼

焙

橘紅

百部

炒

黃芩

焙

杏仁

去皮尖炒

各一兩

桔梗

焙

粉甘草

焙

各五錢

薄荷

焙七錢

淨葉

蜜丸彈子大燈心湯或淡竹葉湯化下

潤肺化痰膏

大白梨

汁一

白茯苓

四兩乳製晒

麥冬

四兩

煎汁

川蜜

一斤

川貝母

二兩去

心研末

核桃肉

四兩去皮

淨搗爛先將梨汁熬製次

將蜜煉熟入前藥在內再熬成膏如痰有血入重便四

兩在內每早空心白湯調半茶鍾服

清化丸

治肺鬱痰喘

貝母

杏仁

青黛

各一兩

千金方

治初生十日至五十日卒得嗽逆吐乳

生薑

七片

桂心

二錢

甘草

款冬花

紫苑

各三錢

杏仁

蜜

各一錢

山梔

一錢五分

石微火煎如飴塗唇化下

吉氏治乳麪方

天竺黃

蚌粉

等分研和蜜調塗乳上令吮

補肺阿膠散

治肺虛久嗽作喘

人參

阿膠

各一兩三錢炒

白茯苓

馬兜鈴

去老便

糯米

各五錢

杏仁

二十一粒製

甘草

四錢炙

爲末取二錢水煎服

定喘湯

治麪嗽無不取效

見方脈喘哮門

方脈咳嗽吞泰

馬氏綿囊必錄雜症卷十二。見科喘哮諸方

七

大咳救之所以累人者以其難於立止也。然欲治肺而止嗽則益害肺而嗽愈甚。蓋肺受病而爲嗽者必有因以殫之治其因則嗽自愈。若不詳所自而徒事於肺則氣無所歸。或邪無所散。肺愈苦而嗽愈甚矣。凡傷風久而肺氣已虛發熱咳嗽服發散藥而嗽愈甚。或被發散太過者當用收斂之劑補之。然虛嗽有二。日間嗽多吐痰白沫或惡心者爲氣虛宜六君子湯加款冬五味子。如夜嗽多口渴痰不易出發熱爲血虛宜六味地黃料加麥冬五味子。若嗽而脈緊者咳而羸瘦脈形堅大者咳而脫形發熱脈小堅急者咳而嘔腹脹目泄其脈弦急者皆死不治。

肺屬金射於皮毛。所主者氣。腎屬水主於骨髓。所藏者精。氣輕浮易上而難下。精沉重易下而難上。此物性之自然。有肺之盛者。卽熱之作也。氣得而上蒸。則不能下生於腎。而腎受邪。故治腎病必先求之於肺。是清其源而滋其化也。經曰五臟六腑皆令人咳。非獨肺也。蓋五臟各以其時受病。非其時各傳以與之。有自外得者。肺主皮毛。風寒暑濕之邪。自皮毛入內。傷臟腑而爲嗽也。有自內發者。七情饑飽。內有所傷。則邪氣上逆。肺爲氣出入之道。故五臟之邪上蒸於肺而爲嗽也。然風寒暑溼有不爲嗽者。蓋因所感者重。不留於皮毛。徑傷臟腑而成傷寒溫熱諸病。七情

亦有不爲嗽者。蓋病尙淺。只在本臟。未傳入肺。所以傷寒以有嗽爲輕。而七情饑飽之嗽。必久而後發。爲重也。夫津液既凝爲痰。則不復生血。以周潤三焦。故口燥咽乾。大便秘結。面如枯骨。毛髮焦槁。婦人則因此月水不通。若能化去敗痰。自然服餌有效。然不得過行燥劑。使痰溼既消。津液亦槁。去溼留熱。又非其治矣。務使化痰復爲津液。猶化盜賊復爲良民可也。

丹溪曰。咳嗽有風寒。有火。有痰。有勞。有肺脹。風寒者。鼻塞聲重。惡寒而白脈弦微是也。宜發散行痰。又有聲啞及喘嗽。遇冬則發。此寒包熱也。解表則熱自除。感冷則咳膈上。